



ALÞÝÐUSAMBAND ÍSLANDS



Alþingi

Erindi nr. Þ 135/934

komudagur 14.12.2007

Nefndasvið Alþingis
Austurstræti 8 – 10
150 Reykjavík

Reykjavík 13. desember 2007

Efni: Umsögn um tillögu til þingsályktunar um aðgerðaráætlun um íslenskukennslu fyrir innflytjendur - 28. mál.

Alþýðusambandi Íslands hefur borist til umsagnar ofangreint tillaga til þingsályktunar um aðgerðaráætlun um íslenskukennslu fyrir innflytjendur.

Alþýðusambandið tekur undir með tillögu flytjendum að mikil þörf er á að gert verði aðgerðaráætlun um íslenskukennslu fyrir innflytjendur. Þekking í íslensku er lykillinn að íslensku samfélagi og forsenda fyrir virkri þátttöku í því sem þar fer fram. Á sama hátt er íslenskukunnátta nauðsynleg einstaklingum til að þeir geti þekkt rétt sinn og nýtt hann með fullnægjandi hætti. Þetta gildir hvort heldur um er að ræða fullorðin fólk á vinnumarkaði eða börn og ungmenni.

Alþýðusamband Íslands styður efni þingsályktunartillögunnar og mælir með samþykki hennar.

Virðingarfyllst,

Halldór Grönvold,
aðstoðarframkvæmdastjóri ASÍ

Alþingi
Erindi nr. P 135/838
komudagur 6.12.2007



Nefndasvið Alþingis
Austurstræti 8-10
150 Reykjavík

Reykjavík 4. nóvember 2007


Varðar: umsögn BSRB við tillögu til þingsályktunar um aðgerðaáætlun um íslenskukennslu fyrir innflytjendur, 28. mál.


BSRB hefur fengið til umsagnar tillögu til þingsályktunar um aðgerðaáætlun um íslenskukennslu fyrir innflytjendur.

BSRB telur að mjög þarft sé að efla og samræma íslenskukennslu fyrir útlendinga þannig að tryggt sé að fólk af erlendu bergi brotið sem sest hér að eigi kost á ókeypis íslenskumenntun.

BSRB styður því þingsályktunartillöguna heilshugar.

Fyrir hönd BSRB


Sigurður Á. Friðbjófn


Helga Jónsdóttir

Alþingi
Erindi nr. Þ 135/931
komudagur 12.12.2007



FÉLAGS- OG SKÓLAPJÓNUSTA SNÆFELLINGA
Klettsbúð 4, 360 Hellissandi, 430-7800, www.fssf.is, fssf@fssf.is

Menntamálanefnd Alþingis
Margrét María Grétarsdóttir, nefndarritari

Snæfellsnesi 12.12.07

Málefni Umsögn um þingskjal 28. mál.

Félagsmálanefnd Snæfellinga fjallaði á fundi sínum 11.12.07 um ofangreint mál.
Eftirfarandi var bókað á fundinum um málið:

Á starfssvæði Félagsmálanefndar Snæfellinga er vaxandi fjöldi erlendra íbúa. Félagsmálanefndin telur mikilvægt að sinna íslenskukennslu fyrir erlenda íbúa vel. Félagsmálanefndin tekur undir megininntak þingsályktunartillögunar og hvetur stjórnvöld til að vinna ötullega að úrbótum í þessum málum.

Þetta tilkynnist hér með.

Með virðingu,

Albert Eymundsson
forstöðumaður fssf.

Til nefndasviðs Alþingis
b.t. Margrétar Maríu Grétarsdóttur
Austurstræti 8-10
150 Reykjavík

**Umsögn um þingsályktunartillögu um aðgerðaáætlun um íslenskukennslu
fyrir innflytjendur þskj. 28 – 28 mál 135 löggjafarþing**

Reykjavík 20. nóvember 2007

Umsögn


Undirritaður er mjög hlynntur þeirri stefnu að efla íslenskukennslu í landinu. Sérstaklega er brýnt að efla kennslu í íslensku fyrir þá útlendinga sem setjast hér að til frambúðar. Mikilvægt er að skilgreina vel þann hóp sem fær opinberan stuðning við íslenskunámið.

Ég hef nokkrar efasemdir um að byggja upp opinbert skólakerfi við hliðina á því sem fyrir er en þar á ég við símenntunarstöðvarnar. Ég tel að leikskólar, grunnskólar, framhaldsskólar og háskólar eigi að sinna hinum opinbera þætti þessarar kennslu.

Ég tel eðlilegt að atvinnurekendur og verkalyðshreyfingin sjái um íslenskukennslu þeirra útlendinga sem koma til starfa í stuttan tíma og ætla ekki að setjast hér að.

Ég geri athugasemd við að notað sé orðið innflytjandi í þingsályktunartillögunni þar sem í lögum kemur það orð oft fyrir í merkingunni innflytjandi vöru og þjónustu. Orðið útlendingur er notað í ýmsum lögum, svo sem lögum um útlendinga nr. 96 2002 og lögum um atvinnuréttindi útlendinga nr. 97 2002. Ég legg því til að það orð verði notað.

Virðingarfyllst,



Gísli Ragnarsson,
skólameistari

Fjölbrautaskólans við Ármúla



FRAMHALDSSKÓLINN Á LAUGUM

Alþingi

Erindi nr. **P** 135/803

komudagur 5.12.2007

Menntamálanefnd Alþingis

Alþingi

150 Reykjavík.

Laugum, 4. desember 2007


Óskað hefur verið eftir umsögn Framhaldsskólans á Laugum um *tillögu til þingsályktunar um aðgerðaaætlun um íslenskukennslu fyrir innflytjendur, 28. mál.*

Ekki er gerð athugasemd við tillöguna á neinn hátt, en ánægju lýst með hana.

Mjög mikilvægt er að styðja við bakið á innflytjendum, við að koma sér fyrir í íslensku samfélagi. Færni til að tjá sig og að skilja mál þjóðarinnar, er grunnatriði eigi það að takast.

Jafnframt er nauðsynlegt þeir sem taka að sér að kenna innflytjendum, ráði yfir tækni og þekkingu til þess. Í greinargerð með þingsályktunartillögunni kemur fram að efla þurfi sérstaklega kennslufræði íslensku, sem annars tungumáls. Mikilvægt er að það gangi eftir.

Virðingarfyllst,


Valgerður Gunnarsdóttir
skólameistari FL

Framhaldsskólinn
á Laugum

Alþingi
Erindi nr. P 135/804
komudagur 5.12.2007

Framhaldsskólinn í
Austur-Skaftafellssýslu



Alþingi
Menntamálanefnd
150 Reykjavík

Hornafirði 3.12. 2007

Til skólans barst bréf sem er dagsett 14.11. 2007 þar sem óskað er eftir umsögn um tillögu til þingsályktunar um aðgerðaáætlun um íslenskukennslu fyrir innflytjendur. Málið hefur á undanförunum vikum og mánuðum töluvert verið rætt í samstarfi framhaldsskóla á Austurlandi og innan Þekkingarnets Austurlands. Í ljósi þeirrar umræðu mæli ég með að þingsályktunartillagan verði samþykkt.

F.h. Framhaldsskólans í Austur-Skaftafellssýslu


Eyjólfur Guðmundsson skólameistari

Alþingi
Erindi nr. P 135/881
komudagur 10.12.2007

Nefndasvið Alþingis
Austurstræti 8-10
150 Reykjavík

Reykjavík 4. nóvember 2007

Varðar: umsögn Framvegis – miðstöðvar um símenntun við tillögu til þingsályktunar um aðgerðaáætlun um íslenskukennslu fyrir innflytjendur, 28. mál.

Framvegis – miðstöð um símenntun fékk ekki með formlegum hætti til umsagnar tillögu til þingsályktunar um aðgerðaáætlun um íslenskukennslu fyrir innflytjendur en Framvegis hefur um nokkur skeið kennt íslensku fyrir útlendinga. Þar sem okkur er málið skylt þykir okkur engu að síður við hæfi að gefa umsögn. Óskum jafnframt eftir því að fá formlega til umsagnar til málefni sem okkar starfsemi varðar

Framvegis tekur heils hugar undir tillöguna og telur að mjög þarft sé að efla og samræma íslenskukennslu fyrir útlendinga þannig að tryggt sé að fólk af erlendu bergi brotið sem sest hér að eigi kost á ókeypis íslenskumenntun.

Framvegis – miðstöð um símenntun styður því þingsályktunartillöguna heilshugar.

F.h. Framvegis – miðstöðvar um símenntun



Arni Guðmundsson
Framkvæmdastjóri Framvegis

Síðumúla 6
108 Reykjavík
www.framvegis.is

Alþingi
Erindi nr. P 135/456
komudagur 27. 11. 2007


Patreksfirði 23. nóvember 2007.
Gústaf Gústafsson
Skólastjóri Grunnskóla Vesturbyggðar.

Umsögn um
þingsályktunartillögu um aðgerðaáætlun
um íslenskukennslu fyrir innflytjendur
þingskj. 28 - 28. mál.

1. Þingsályktunartillagan er að mínu viti nauðsynleg og vel ígrunduð og geri ég ekki athugasemdir við innihald hennar.
2. Greinargerðin. Ég geri eina athugasemd við greinargerðina með frumvarpinu, en það er setningin: „**Þannig lagar samfélagið sig að innflytjendum í ríkara mæli en það hefur gert hingað til þar sem áherslan hefur frekar verið á að innflytjendur lagi sig einhliða að samfélaginu**”.

Ég fæ ekki séð að þessi setning hafi gildi þar sem verið er að tala um fjölmenningsfræði fyrir börn innflytjenda, ekki íslenskra barna og fæ ekki séð að það hafi bein áhrif á aðra þegna íslensks samfélags en innflytjendurna sjálfa. Þess utan er ég ekki sannfærður um þá aðferðafræði að íslenskt samfélag verði sérstaklega betra með slíkri aðlögun.

Virðingarfyllst,


Gústaf Gústafsson

Alþingi - nefndasvið
Austurstræti 8-10
150 Reykjavík


Akureyri, 30. nóvember 2007
Tilv.: 0711038

Efni: Umsögn um tillögu til þingsályktunar um aðgerðaaætlun um íslenskukennslu fyrir innflytjendur, 28. mál.

Ástæða er til að fagna tillögunni sem slíkri, enda ljóst að full ástæða er til að efla umrædda kennslu til muna. Í tillögunni er það þó í raun aðeins 4. liður sem snertir kennaradeild Háskólans á Akureyri með beinum hætti en þar segir að stefnt skuli að því að „efla kennslu í íslensku sem öðru máli í íslensku- og kennslufræðideildum háskóla landsins“. Íslenskukennarar kennaradeildar HA, eru reiðubúin að leggja sitt lóð á þessar vogarskálar og horfa þar ekki síst til aðstæðna þeirra innflytjenda sem búa utan höfuðborgarsvæðisins. Að sama skapi eru þau reiðubúin til þátttöku í því starfi sem tilgreint er í 5. lið ályktunarinnar en þar segir að skilgreina þurfi grunnmarkmið íslenskunáms fyrir innflytjendur.

Þá er gerð sú athugasemd að full ástæða sé til að horfa til lengri tíma en þeirra 5 ára sem ráð er fyrir gert í ályktuninni. Með því yrði fremur hægt að tryggja að þeim árangri sem kann að nást á þeim tíma verði fylgt eftir og að bætt verði við þá þekkingu og reynslu sem myndast við þessi fyrstu skref.

Virðingarfyllst,



Þorsteinn Gunnarsson, rektor

Alþingi
Erindi nr. P 135/880
komudagur 10.12.2007



Heimili og skóli
Landssamtök foreldra

Reykjavík, 30. nóvember 2007

Menntamálanefnd Alþingis
Austurstræti 8-10
150 REYKJAVÍK

**Umsögn um tillögu til þingsályktunar um aðgerðaráætlun um
íslenskukennslu fyrir innflytjendur. Þskj. 28 – 28. mál**

Heimili og skóli – landssamtök foreldra telja að aðgerðaráætlun sem þessi muni vera
til mikilla bóta fyrir innflytjendur og íslenska samfélagið.

Virðingarfyllst,

Björk Einisdóttir
framkvæmdastjóri

Alþingi
Erindi nr. Þ 135/1044
komudagur 17.1.2008

Reykjavík, 16. janúar 2008
0711043 sk

Nefndarsvið Alþingis
Margrét María Grétarsdóttir nefndarritari
Austurstræti 8-10
150 Reykjavík

Efni: Aðgerðaráætlun um íslenskukennslu fyrir innflytjendur


Kennaraháskóla Íslands hefur borist til umsagnar þingsályktunartillaga um aðgerðaráætlun um íslenskukennslu fyrir innflytjendur, 28. mál. Óskað var eftir viðbrögðum fyrir 3. desember.

Kennaraháskólinn styður tillögu þessa og harnar að hafa ekki brugðist við erindi þessu innan settra tímamarka, en leyfir sér engu að síður að koma eftirfarandi ábendingum sérfræðinga skólans á þessu sviði á framfæri:

1. Að lið 4. verði breytt þannig að hann hljóði svo: að efla kennslu í íslensku sem örðu máli, **svo og þjálfun kennara (vettvangsnám)** í íslensku- og kennslufræðideildum háskóla landsins.
2. Að lið 5. verði breytt þannig að hann hljóði svo: að grunnmarkmið íslenskunáms fyrir innflytjendur verði vel skilgreind, **eftirfylgni íslenskunáms verði tryggð með viðeigandi námsmati, t.d. sjálfsmati og vel skilgreindum viðmiðunarrömmum fyrir hin ýmsu stig í íslenskunáminu** og tryggt að allir innflytjendur eigi rétt á gjaldfrjálsri íslenskukennslu í samræmi við þau grunnmarkmið.
3. Að bætt verði við 6. markmiðinu, sbr eftirfarandi: að gæði íslenskukennslu fyrir innflytjendur verði tryggð með skilgreindum lágmarkskröfum um menntun kennara sem henni sinna.

Þessum viðbótum þyrfti að sjálfsögðu að fylgja eftir í greinargerðinni.

Virðingarfyllst,



Svanhildur Kaaber
skrifstofustjóri, skrifstofu rektors

Stakkahlíð

105 Reykjavík

Sími: 563 3800

Símbréf: 563 3833

www.khi.is

135. löggjafarþing 2007 – 2008

Reykjavík 3. desember 2007

þskj. 28 – 28. Mál

Umsögn um frá Menntaskólanum við Hamrahlíð

Sigurborg Matthíasdóttir


Rector

Við í Menntaskólanum við Hamrahlíð fögnum mjög framkominni tillögu til þingsályktunar um aðgerðaáætlun um íslenskukennslu fyrir innflytjendur.

Í heild líst okkur mjög vel á þessar áætlanir og teljum þær geti orðið til mikilla bóta. Að höfðu samráði við Halldóru Sigurðardóttur íslenskukennara og verkefnisstjóra MH í málefnum innflytjenda er sett fram athugasemd við það að ekkert er minnst á námsefni eða námsefnisgerð varðandi íslenskukennslu fyrir innflytjendur. Þar þarf að gera átak þar sem mjög lítið er til af efni sem hentar á framhaldsskólastigi. Einstaka kennari hefur gefið út efni en stórs átaks er þörf á því sviði.

Í annarri- og þriðjustíðustu málsgreinum er fjallað um þarfir ólíkra hópa og að það er sitthvað að kenna íslensku sem móðurmál eða sem annað mál. Við teljum einnig mjög mikilvægt þetta sé haft í huga í allri áætlanagerð.

Virðingarfyllst



Sigurborg Matthíasdóttir

rektor

Alþingi
Erindi nr. Þ 135/839
komudagur 6.12.2007



Alþingi
Nefndasvið
Austurstræti 8-10
150 Reykjavík

Samtök iðnaðarins
Federation of Icelandic Industries

Reykjavík, 4. desember 2007

Efni: Umsögn um tillögu til þingsályktunar um aðgerðaáætlun um íslenskukennslu fyrir útlendinga, 28. mál.

Gerð er tillaga um að Alþingi álykti að fela menntamálaráðherra gerð áætlunar um að efla íslenskukennslu fyrir innflytjendur hér á landi. Við gerð áætlunarinnar, sem verði til fimm ára, verði efnt til samráðs við fulltrúa allra skólastiga, verkafélagsmanna, atvinnurekendur og símenntunarmiðstöðvar um land allt. Vinnu við áætlunina skal lokið 1. mars 2008.

Samtök iðnaðarins telja að hér sé hreyft mikilvægu máli. Á undanförunum árum hefur margt gott verk verið unnið til að efla íslenskukennslu fyrir útlendinga. Stjórnvöld og atvinnulíf hafa lagt fé til verksins sem og starfsmenntasjóðir atvinnulífsins, s.s. Starfsafl og Landsmennt. Þrátt fyrir þetta er margt ógert. Brýnast er að móta og framfylgja ákveðinni stefnu í þessum málaflokki.

Mikilvægt er að áætlunin einskorðist ekki við að kenna tungumál, þ.e. íslensku, í hefðbundnum skilningi heldur sé lögð áhersla á að gefa innflytjendum tækifæri til að tileinka sér íslenska menningu þannig að þeir aðlagist íslensku samfélagi fljótt og vel. Æskilegt er að árangur áætlunarinnar sé metinn jafnóðum.

Margs konar ávinningur felst í því ef þessar hugmyndir verða að veruleika:

- Innflytjendum gefst færi á því að semja sig að íslenskum háttum og læra skipulega um réttindi sín og skyldur.
- Innflytjendum gefst kostur á því að nýta fyrr menntun og færni í eigin þágu sem og atvinnulífsins.
- Innflytjendum gefst kostur á að auðga íslenska menningu og dregið er úr líkum á menningarlegum árekstrum.

SAMTÖK IÐNAÐARINS

Ingi Bogi Bogason



NORÐURÞING

KETILSBRAUT 7-9 • 640 HÚSAVÍK

Alþingi
Nefndasvið
Austurstræti 8 - 10
150 Reykjavík

Alþingi
Erindi nr. Þ 135/553
komudagur 29. 11. 2007

Húsavík, 26. nóvember 2007
nr. erindis 200711100


Efni: Umsögn vegna tillögu til þingsályktunar um aðgerðaráætlun um Íslenskukennslu fyrir innflytjendur, þingskjal nr 28 – 28. mál 135 löggjafarþing.


Fyrir hönd sveitarfélagsins Norðurþings leggja undirrituð fram eftirfarandi umsögn.

Sveitarfélagið fagnar því frumkvæði og þeim áherslum sem fram koma í þingsályktunartillögunni.

Sveitarfélagið vill leggja áherslu á að verði sveitarfélögum ætlað að veita innflytjendum frekari þjónustu en nú er vegna Íslenskukennslu eða annarrar fræðslu er nauðsynlegt að fjármunir fylgi í samræmi skyldur sveitarfélaganna til þjónustu.

Virðingarfyllt,


Sigrún Ólafsdóttir
Grunnskólafulltrúi


Erla Sigrúnardóttir
Menntun- og fræðslufulltrúi

**Nefndasvið Alþingis,
Austurstræti 8-10,
150 Reykjavík.**


Reykjavík, 20.11.2007

**Efni: Beiðni um umsögn vegna tillögu til þingsályktunar um aðgerðaáætlun um
íslenskukennslu fyrir innflytjendur, 28. mál**

Útlendingastofnun barst bréf frá menntamálanefnd Alþingis, dags. 14. nóvember sl., þar sem farið var þess á leit að stofnunin veitti umsögn vegna tillögu til þingsályktunar um aðgerðaáætlun um íslenskukennslu fyrir innflytjendur.

Útlendingastofnun gerir engar athugasemdir við ofangreinda tillögu.

F.h. Útlendingastofnunar



Ragnheiður Ó. Böðvarsdóttir

19.11.2007

Alþingi
Erindi nr. P 135/2S8
komudagur 20.11.2007

Menntamálanefnd Alþingis.

Hef verið beðinn um að gefa umsagnir mínar um eftirfarandi frumvörp og þingsályktunartillögur.

Framvarp til laga um breytingu á lögum um Lánasjóð íslenskra námsmanna, 19. mál:

Mér líst vel á frumvarpið. Ef þessi breyting verður á lögum LÍN þá mun hún virka hvetjandi á námsmenn auk þess sem þetta fyrirkomulag myndi færa okkur aðeins nær því sem þekkist í mörgum nágrannalöndum.

Frumvarp til latga um íslenska táknmálið sem fyrsta mál heyrnarlausra, 12. mál:

Ég gerir mér grein fyrir því að þetta mun kosta bæði mikla fyrirhöfn og fjármuni. Engu að síður er ég fylgjandi þessu enda um hrein og klár mannréttindi að ræða.

X *Tillaga til þingsályktunar um aðgerðaáætlun um íslenskukennslu fyrir innflytjendur, 28. mál:*

Er ekki reiðubúinn til að tjá mig um tillöguna að sinni.

Virðingarfyllst,

Hjalti Jón Sveinsson, skólameistari